

բանասարկութիւնս առ Շապուհ արքայն Պարսից, եթէ «խոսրով¹ զինքն կարծեցուցանէ քեզ սիրելի եւ հնազանդ, եւ այս ամենայն ցուցականութիւնս նորա առ քեզ՝ ստութեամբ եւ ոչ ստուգութեամբ. վասն զի գաղտ ուխտ իւր եւ խորհուրդ ընդ թագաւորին Յունաց է, եւ միշտ հրովարտակաւ եւ երթեւել պատգամաւորաւ խաւսի ընդ նմա ի խաղաղութիւն: 2 Բայց դուք որպէս իմանայք հատուցանել նմա ըստ նորա խաբէութեանն՝ զայն դուք ոչ իշխեք»: 3 Եւ կարծէին բանասարկութն ըստ իւրեանց անմիտ խորհրդոցն՝ կորուսանել զնա, եւ անձանց եւ աշխարհի բարւոյ իմիք շինութեան լինել պատճառ. եւ ոչ գիտէին, եթէ տակաւին ի մաշումն եւ ի չար ծառայութիւն վասն մեղաց իւրեանց մատնեալ լինին յԱստուծոյ:

4 Իսկ զայն լուեալ ինդութեամբ եւ ախորժակ ունկնդրութեամբ Շապիոյ արքային Պարսից՝ հրաման տայր վաղվաղակի հրովարտակաւ զխոսրով ի դուռն կոչել. եւ նորա չզգացեալ զբանասարկութիւն իշխանացն 3այոց²՝ վաղվաղակի որպէս առ իւր իշխան եւ բարեկամ³ ի դուռն հասանէր: 5 Եւ Շապիոյ թշնամանեալ զնա պատուհասէր, այլ թերեւս եւ վասն յաւժարութեամբ մերժելոյ զնա ի թագաւորութենէն, եւ ոչ յանդիման կամեցեալ առնել զնա չարախաւսացն՝ վաղվաղակի մերժեալ ընկենոյր⁴ զխոսրով իշխանութենէ իւրոյ թագաւորութեանն⁵, եւ ուխտէր՝ այլ եւս ոչ տեսնել զաշխարհն 3այոց, անդէն կալեալ յաշխարհին Պարսից պահէր: 6 Իսկ իբրեւ մերժեալ լինէր խոսրով ի թագաւորութենէն՝ ինդրէին 3այք ընդ Շապուհ՝ ա՛յլ թագաւոր իւրեանց. եւ նա հաւանեալ թագաւորեցուցանէր նոցա զՎռամշապուհ զեղբայր նորին խոսրովու, յազգէն Արշակունեաց. եւ թագաւորեցուցեալ զՎռամշապուհ՝ արձակէր ի 3այս:

Ժ. Ի ժամանակս սորա թագաւորութեանն տուաւ շնորհ հոգողութեան⁶ յամենախնամէն Աստուծոյ առն միում ճշմարտի՝ Մաշտոց⁷ անուն կոչեցելոյ, որ էր ի գաւառէն Տարունոյ, ի 3ացեկաց գեղջէ, որդի առն, որում անուն էր Վարդան. ի տիս մանկութեան իւրոյ ուսեալ դպրութիւն գյոյն, զինուորեալ⁸ ի դուռն 3այոց արքային խոսրովայ, կարգեալ յերամ մատենագիր արքունի դպրացն. վասն զի ասորի եւ յոյն գրով վճարէին յայնժամ զգործ թագաւորացն⁹ 3այոց՝ արքունի դպիրքն, զվճռոցն¹ եւ զհրովարտակացն: 2 Եւ սպա-

1 Ձ. պարսից եւ խոսրով

2 Ձ. հայոց իշխանացն

3 ՏՏ. առ իւր իշխանս եւ բարեկամս

4 Ձ. ընկենոյր

5 Ձ. յուսանցբում նոյն գրչով՝ զխոսրով մերժեալ ի թագաւորութենէ

6 Ձ. հոգողութեան. երկրորդ ո-ի վրայ դրուած՝ և

7 ՏՏ. միշտ՝ մաշթոց. Ձ. մաշթոց եւ մաշտոց

8 Ձ. զինաւորեալ

9 ՏՏ. թագաւորին